

DOHO MMO ETE AMI MMAMA MMO

Eriyarare Abañade
Ima Emi Abasi Enyenede Ono Fi



JOYCE MEYER

#AKPA KE OTU MME ANDIWET EMI N'WED ESIE
ANYAMADE AKAN, NTE NEW YORK TIMES ETIÑDE

DOHO MMO ETE
AMI MMAMA MMO

Eriyarare abañade ima emi
Abasi enyenede ọnọ fi

JOYCE
MEYER



JOYCE MEYER
MINISTRIES

P.O. Box 5, Cape Town 8000

Unless otherwise indicated, all Scripture quotations are taken from
THE AMPLIFIED BIBLE: Old Testament.

Copyright © 1962, 1964 by Zondervan Publishing House
(used by permission); THE KING JAMES VERSION; and from
THE AMPLIFIED NEW TESTAMENT

Copyright © 1958 by the Lockman Foundation
(used by permission).

Copyright © 2014 by Joyce Meyer Ministries – South Africa

All rights reserved. No part of this publication may be
reproduced, distributed, or transmitted in any form or by any means,
or stored in a database or retrieval system, without the prior written
permission of Joyce Meyer Ministries – South Africa.

Joyce Meyer Ministries – South Africa
PO Box 5, Cape Town, 8000

Phone: +27 (0) 21 701 1056
Website: www.joycemeyer.org

Go to tv.joycemeyer.org to watch Joyce's messages in a
variety of languages

Tell Them I Love Them – Efik
Not For Resale

SE ISINEDE KE ESIT ÑWED



<i>Ntoño Ikọ</i>	5
1. Abasi Amama Fi	7
2. Nte Ami Mmọfon Ñkem?	13
3. Ima Edi Ebuana	19
4. Ima, Iberedem Ye Mbuotidem	25
5. Ndiworo Ufin Ñkpoñ Ndik	30
6. Ima Anyanyanade Otuk	35
7. Ima Abasi Eyekpuhore Fi	39
Nyene Ifiok Baña Obufa Uwem	42
Akam Erinyaña Ukpọñ	44
Se Ibañade Andiwet	45

NTỌŃỌ IKỌ



Mmonim ke akpanikọ nte ke se mme owo eyomde ekan kpukpru ñkpọ edi saña-saña eriyarare emi Abasi ayararede ima Esie ọno mmọ kiet-kiet. Edi ifiọk emi ọno nnyin itiat idak-isọñ emi ọnođe ntọtuño ebuana ye Enye, ye ata uwem erikan nte anditiene Christ. Nnyin iyomke “ifiọk ibuo” ke abañade Ima eke Abasi; nnyin iyom Enye ayarade ima Esie ke esit nnyin. Edi Edisana Spirit ikpoñ-ikpoñ ekeme ndinọ emi, ndien Enye eyenam emi nte nnyin ikerede ibaña Ima Abasi, ikeme ndikut Ima Abasi ke uwem nnyin, ndien iyom eriyarare emi ke Ikọ Abasi ye ke akam.

Edi mmem-mmem ndinyime nte ke Abasi ama ofuri ererimbot tutu osim nte Enye ọdọnde Jesus edikpa ke ntak idiọk-ñkpọ kpukpru owo.

Edi ekeme ndidi ọkpọsọñ ñkpọ ndinim ke akpanikọ nte ke Abasi ama fi tutu Enye ikpitreke ndidọñ Jesus edikpa ọno fi edieke ikpedide afo ikpoñ okodu ke ererimbot.

Ediwak isua ema ebe edi ami nsuk ndi anditiene Christ emi mikinyeneke edikan, edi ekem ami ndinyene ifiọk ediyarare mbaña ima emi Abasi enyenede ọno mi. Ke mfọn Abasi, Edisana Spirit Esie, ama ayarare ima Esie ọno mi ke ata saña-saña usuñ. Kpa ediyarare kiet emi akada ukpuhọre ñkpọ esin ke ofuri uwem mi ye ebuana mi ye Enye.

Akam mi edi, adaña nte afo edikotde ñwed emi, afo eyenyene ediyarare abaña ima emi Abasi enyenede ọno fi. Mmoyom fi okot

enye suñ-suñ, da enye nte nda-usuñ ndikpep mbaña ima Abasi ke Ñwed Abasi, nyuñ kere baña Ikọ Abasi ye mme ekikere emi afo edikutde ke esit ñwed emi.

Abasi otim ama fi eti-eti! Enye onyuñ oyom fi ọfiọk onyuñ enyene ifiọk abaña Ima Esie ke kpukpru usen, ke kpukpru idaha ke uwem fo, kpasuk nte Enye anamde ọnọ mi. Ke ntre, mmayak ñwed emi ke ata nsuhoridem nnọ fi, koro ntimde mfiọk nte ke ndighe ñkpọ ndomo kiet ke esiode Abasi efep, ñko, ediyarade ye ifiọk ekededi eke ami nnyenede mbaña ikọ Esie edi ke mfọn Esie.

1



ABASI AMAMA FI

“Koro Abasi akamama ererimbot tutu Enye osio Ikpoñ-ikpoñ Eyen emi Enye okobonde ọnọ, man owo kiet ekededi eke onimde Enye ke akpanikọ okutak, edi enyene nsinsi uwem.”

– JOHN 3:16 NKJV

Abasi oyom ubon, Enye ñko onyuñ oyom ndidi Ete nnyin. Ekebot nnyin man inyene ebuana ye Enye inyuñ idi nditọ iren ye iban Esie, ndiduñ ke ọyọhọ uwem emi mkpa Christ ọnọde nnyin. Emi ọwọrọ ete, Enye oyom nnyin iberedem ye Enye, idiana ye Enye, ima Enye, inyuñ iyak Enye ama nnyin. Enye oyom nnyin ibuot idem ke Enye inyuñ inyanare isim Enye ke ini nnyin inyenede unana. Enye oyom ndinyene saña-saña ebuana ye nnyin kiet-kiet.

Ediwak nnyin ikere ibaña Ñwed John 3:16 ke usuñ emi atarade eti-eti. Nnyin ite, “Ih, ami mmọfiok nte Jesus akakpa ọnọ ofuri ererimbot.” Edi “ererimbot” ikam idighe otu owo eke mminyeneke udomo ke Jesus akakpade ọnọ. Enye akakpa ọnọ nnyin kiet-kiet. Enye akakpa ọnọ fi!

Akpanikọ edi, edieke ekpedide afo ikpoñ okodu ke ofuri iso isoñ, Jesus ekpenyime ndikpa nno fi ikpoñ. Enye ekenyime ndibe ke kpukpru ukut emi Enye okokutde ke ntak fo. Abasi otim ama fi,

ndien ima Esie edi nsinsi ima (se ke Ñwed Jeremiah 31:3).

Usen kiet, ke ini ñwatde ke usuñ, Abasi etiñ ikọ ke esit mi ete, “Joyce, afo edi eyen-enyin mi.” Asua ebe oduk ini kiet onyuñ ọdọhọ ete, “Nte emi inamke fi okohode idem? Afo ekere ete imọ idi anie owo?” Emi ama anam mi ñkere nte, “Oh, inaha nte ami nnyene utọ ekikere emi.”

Nnyin ndifiok nte ke nnyin idi saña-saña, ndien ñko ke nnyin imenyene mme enọ emi ekponde, mme ukeme, mme ifiok isañaake ikekem ye ediwak ini ye usuñ nte nnyin ikerede ibaña idem nnyin. Edi ke akpanikọ, Ete nnyin obot nnyin kiet-kiet saña-saña. Abasi ama nsio-nsio usuñ unam ñkpọ, ndien Enye okobot fi anana mbiet, emi ọwọrọde ete Enye iyomke fi ada idem fo okodomo ye owo enwen, mme ndiyom nditie nte mmọ. Afo edi saña-saña ọnọ Enye nte Enye okobotde fi.

Nte nsuk ñkerede mbaña se Abasi eketiñde ke esit mi, ami ñwana ndikere nte ñwan akpadade ese akwa otu mfri “apple” ke akwa ufọk urua. Enye etiñ enyin ese onyuñ anyan ubok osio kiet emi etiede nte mfọn-ñkan ke otu mmọ. Do ke etop Abasi otim añaña mi ete ke ami ndi mfọn-ñkan “apple” nnọ Enye. Ami ñkedi saña-saña oro. Etie nte oro inenke, edi se, Abasi otim ese nnyin kiet-kiet ke utọ usuñ emi. Idighe nte Abasi ọdọhọ ete ke edi afo ọfọn akan ndien mme owo eken ifonke ke baba usuñ kiet. Enye ọdọhọ ete ke nnyin kpukpru idi saña-saña. Abasi etiñ emi ke Ikọ Esie, ndien Ikọ Esie enyene nnyin kiet-kiet. Afo edi eyen-enyin Abasi.

Ini oro, ñkenyimeke se Abasi akañwanade nditiñ nnọ mi koro ñkekerede nte ke ifonke ndikere mme utọ ekikere ntem mbaña idem mi. Edi ke ñkpọ nte usen iba ema ekebe, ami ñkubọrede Ñwed Abasi (Bible) mi ke Psalm 17:8, ndien mme ikọ emi ewọrọ ewut idem, “Nim mi nte eyen-enyin Fo, dip mi ke mfut mba

Fo” (NKJV). Ndien ami ndoḥo nte, “Oh, edi Abasi edi emi ke ata akpaniko. Ami ndi eyen-enyin Abasi. Emi anam mi ñkop ata inemesit ini kiet ekededi ñkerede mbaña ikọ emi. Nte afo oṃoṃiok ete ke imo idi nsọñ-urua ñkpọ oṃo Abasi, ndien ke Enye oyom fi ekere ke afo edi saña-saña, oṣoñ urua, edi ñkpọ-uto, ñko Enye onyui ama fi?

Mme owo enyene udoñ ke esit mmọ nte ekpemade mmimọ. Edi ntre ke Abasi okobot nnyin. Ediwak owo enim ke akpaniko ete ke Abasi ama ererimbot, ke Enye ñko ama Jesus, edi imemke mmọ ndinim nte ke Abasi ama mmọ nte owo kiet-kiet. Edi, Iko ekpep nnyin ete ke Abasi ama nnyin kpa nte Enye amade Jesus. Ñwed John 3:16 emen emi owut. Enye ñko oyom nte Enye akpañwañade Ima ye Eridioñ Esie esin ke uwem nnyin kpa nte Enye amade onyui oḍioñde Jesus. Ñwed John 5:20 oḍoḥo ete, “Ete otim ama Eyen Esie onyui ayarade kpukpru ñkpọ emi Enye anamde owut Enye. Ñko, Enye eyenam Enye okut mme ñkpọ emi ekponde ekan emi, man mbufo edu ke mkpa-idem, enyui ekut utibe ñkop ye ñkop ndyo.

Abasi oḍoḥo ke ebiet emi ete, “Ami nnyom ndinam mme ikpo ñkpọ emi ke ntak Jesus, ye mme ñkpọ eke ekponde ekan emi ke enyiñ Jesus, man enyene mbufo ndyo.” Abasi oyom ndinam mme ikpo ñkpọ emi ekpade nnyin idem edi enoḍe nnyin inemesit.

Ediwak owo enyene udoñ nte mmọ efen ekpema mmọ. Nte Abasi okobotde nnyin edi oro. Mme owo enyui enim ete Abasi ama ererimbot onyui ama Jesus, edi oṣoñ mmọ ndinim nte Abasi ama mmọ saña-saña. Edi Ñwed Abasi (Bible) ekpep ete ke Abasi ama nnyin ukem nte Enye amade Jesus. Ñwed John 3.16 owut nnyin emi. Enye oyom ndiñwaña ima ye eridioñ Esie nsin ke uwem nnyin ke ukem usuñ emi Enye amade onyui oḍioñde Jesus. Ñwed John 5.10 oḍoḥo ete, “Ete ama Enye eti-eti onyui emen kpukpru se Enye anamde owut Eyen esie. Eyen esie onyui anam

Enye okut man idem akpa nnyuñ inyuñ ikut mme utibe ñkpọ”.

Abasi ọdọhọ mi ete, “Ami nnam kpukpru mme ikpọ ñkpọ ke Jesus, nnyenyuñ nnam se ikponde ikan emi kpa ke Jesus, mman idem akpa mbufo” (Ami ntiñ emi ibio-ibio). Abasi oyom ndiwut nnyin ndyo emi ndinọ nnyin inemesit ye idaresit.

Ke ini nnyin ikotde mme Ikọ Abasi emi, ediwak ini, itimke iñwaña nnyin se Abasi oyomde ndinam nnọ nnyin, akpan-akpan mme ndida nnyin nnam. Enye oyom nnyin ise mme ikpọ utom emi Enye ekebede ke Jesus anam, ndien ñko inim ke akpanikọ ite ke Enye oyom ndibe ke nnyin nnam idem mme ñkpon-ñkan utom. Ke John 14:12, Jesus ọdọhọ ete, “Edieke owo onimde Mi ke ata akpanikọ, enye ke idem esie eyenyene ukeme ndinam mme ñkpọ eke Ami nnamde; enye eyenam mme ñkpọ emi ekponde ekan emi, koro nnyoñde ntiene Ete”.

Abasi anam ekese ñkpọ ọnọ ediwak owo k’usen, k’usen koro Enye amade mmọ, edi mmọ ikwe ntre. Nte uwut-ñkpọ, kere baña emi: Kpukpru usen kini utin asiahare, enye asiaha ọnọ fi ye ami. Mme ndiye ikọñ “flowers” enyene uyai mmọ ke oruk mmọ esin ke inemesit nnyin. Ererimbot emi Abasi obotde ọnọ nnyin eye eti-eti, ndien Abasi oyom nnyin ikop inem esie! Ñwed Genesis 1 ọdọhọ ete ke Abasi ọkọnọ owo ukara onyuñ ọdọhọ enye ete ada mme inyene isọñ anam utom ọnọ Abasi ye owo.

Ke ini emi edim edide ke ini esie, edep ọnọ fi. Ke ini ata mbit-mbit edide, enye edi ọnọ fi. Ikpata-isañ fo edi Abasi eneñere obon, ndien Enye ñko ke ekpeme fi kpukpru ini.

Ñwed Deuteronomy 7:9 ọdọhọ ete, “Fiọk, tim se añaña fi, nyuñ tim diọñọ ndien ete ke Jehovah Abasi, Enye edi Abasi, emi edide Anam-Akpanikọ, emi onimde ediomu ye ima ye mbom ye kpukpru mmọ emi emade Enye enyuñ enimde mbet Esie, tutu

osim t̄osin emana mm̄o.”

Ima emi Abasi enyenede ̄ōo nnyin edi nsinsi inyuñ inyeneke udomo. Ediwak nnyin ikere ete ke edikpu ye mme ndudue nnyin enam Abasi akpa mba, edi nnyin ikemeke ndinam oro. Ndien se afo anamde ikemeke ndisin Abasi etre ndima fi. Ima idighe ñkp̄o eke Abasi anamde, edi Abasi edi ata ima.

Edieke ekerede ete ke im̄o imidīok ikan nte Abasi akpamade im̄o, amanam ata ndudue. Baba obube ndomokiet ituñ̄oke ikan Abasi ndisuh̄ore nsim mman osio fi. Enye enyene uduak ndinam fi akabade enyene ōyoh̄o idaha fo. Enye eyefen mme idīok-ñkp̄o fo ke ini oyomde Enye ke ofuri esit, inyuñ itighi mm̄o aba, eyenyuñ emen mm̄o onim nsan-nsan kpa nte usiak-utin oyomde usuñ okp̄oñ usop-utin (se ke Ñwed Psalm 103:10-12 AMP).

Afo emekeme ndid̄oh̄o ete, “Ami mma nnyime Jesus nnyuñ nsin Enye ke esit mi, nnyuñ mma Enye”. Edi ami mbup nte, “Afo ekere ete ke Abasi ama fi adaña didie?”

Nsinsi ye anana-mbiet ima Abasi edi ata mmem-mm̄em etop, edi enye ñko onyuñ edi itiat idak-is̄oñ emi anade nte esin ke uwem fo man afo ekeme ndif̄ok kpukpru ñkp̄o eken. Monim nte ke enye edi nt̄oñ̄o kpukpru erik̄ok ke uwem nnyin.

Se ekpededi emi afo ekpepde mme esin-ifik ndikpep nnyuñ nyom Abasi, edieke afo mukemeke ndinyime ete ke ima emi Enye enyenede ̄ōo fi inyeneke ek̄om-urua inyuñ inyeneke adaña, afo udunyeneke nk̄ori ke isañ fo ye Enye. Nnyin ida mbūtidem ib̄o ito Abasi, edi idem mbūtidem ōw̄or̄o owut idem ke ima (se ke Ñwed Galatia 5:6). Ke ntre, ib̄oh̄oke nnyin ib̄o ima Abasi inyene, nnyin idikemeke ndib̄o mme ñkp̄o efen.

Ima Abasi onyuñ añwam nnyin ndidu uwem emi mikopke

ndik (se ke Akpa Ñwed John 4:18), emi edide akpan ñkpọ eke añwamde nnyin ikop inem uwem inyuñ inyene eti ini iso. Nte afo eyebo ima emi Enye ọnde fi ke ntat-ubok? Idighe ke ekom urua, ukemeke ndidep enye nto ndinam mme nti utom...kpukpru se afo enyenede ndinam edi ndibo, ndibo, mfiak mbo.

2



NTE AMI MMOFỌN ÑKEM?

“Ndien idorenyin emi iyakke nnyin ikut but, koro Abasi amañwaña ima Esie esin ke esit nnyin oto ke Edisana Spirit emi Enye okonode nnyin. Koro ke adañaemi nnyin ikedude kaña ke mmem-idem, ke edikem ini Christ akpa ke ibuot mmọ emi miteñeke Abasi. Ke akpanikọ, ọsọñ eti-eti owo ndikpa ke ibuot edinen owo; ndusuk, owo ekpekeme ndikpa ke ibuot edinen owo; mme eti owo enyenede nti ido. Edi Abasi otim ayarade ima emi amade nnyin, ke emi Christ akpade ke ibuot nnyin ke adaña emi nnyin isuk idide mme ñdiọi owo kaña. Ñwañwadise ndien, sia emaekenam ikpe etebe nnyin ke emi ke iyip Esie, eyenyaña nnyin esio ke iyatesit oto ke Enye. Koro edieke Abasi akadade mkpa Eyen Esie esin emem ke ufọt nnyin ye Idem Esie ke adañaemi nnyin ikedide mme asua, ñwañwadise, sia ima ikabare itie ke emem ye Enye, ke Abasi edida uwem Eyen Esie inyaña nnyin.”

– Ñwede Mbon ROME 5:5-10

Edi mmem-mmem ndinim ke akpanikọ nte ke Abasi ama nnyin adaña ini nnyin misabakede idem nnyin. Mfina emi odude ke utọ ekikere emi edi koro ediwak owo imaha idem mmọ, emi anamde mmọ ekere ete ke Abasi ñko inyuñ itimke ima mmọ. Edi Ñwede Abasi (Bible) ete, “Nso ñkpọ edi owo eke afo etide enye? (Psalm 8:4). Nnyin idi se Abasi obotde, ndien ke nditiñ ke ibio-ibio, Enye

ama nnyin koro Enye amade nnyin. Enye edi ima (se ke Akpa Ñwed John 4:16). Abasi ama nnyin koro Enye oyomde ndima nnyin!

Enye ama fi, afo onyũ edi nsio-nnim. Oro ọwọọ ete ke afo edi saña-saña onyũ edi isio-isio. Ikinaha nte afo etie nte ami ntiede, ami ñko ikinaha nte mbiet fi. Afo edidu ke akwa ukut edieke abiatde ofuri uwem fo ndidomo idem ye mmọ eken mme ndiñwana nditie nte mmọ. Se emi anamde edi ndinọ asua ifet/ufañ ndidọhọ fi nte ke afo ufọnke ukem. Akpanikọ edi, ke Abasi, afo unyeneke “*ndifon ñkem*”. Jesus ama “*ofon ekem*” ke itie fo. Enye ama ekpe ekọm-urua idiọk-ñkpọ fo, onyũ ọbọ ufen emi akanade ọnọ fi.

Ñwed Abasi ọdọhọ ete edieke Enye akamade fi osim nte akpade ọnọ fi, adaña didie ndien, k’ini ema enam fi asana ke iyip Esie, ke Enye minyeneke ima inọ fi? (se ke Ñwed Rome 5:8-9). Ke akpanikọ Enye ama fi tutu osim ndifuk mme ndudue emi afo eduede k’usen, k’usen nnyũ nnim fi ke edisana ke kpukpru ukwañ-ñkpọ fo.

Emi edi uwut-ñkpọ nte ñkerede ke Abasi okut mme ndudue ye mme mmem-idem nnyin. Kere nte eyen-ọwọñ emi edide ñkpọ nte isua ita mme inañ, emi ekpemedede ndise nte eka esie anamde ñkpọ ke esit ufọk. Enye eneñere ama eka esiemọ tutu enye emen ekpri ñkpọ usin mmọñ ye ekpri ntaha-ọfọñ onyũ aka ke windo esidade ese anwa ke iso ufọk. Enye otim otuk windo ọfọn, ndien ada nsat ọfọñ ọkuhọre enye asat. Ke akpanikọ, windo oro ediyọhọ ye suọp ye mme ndek okposuk edi ekpri eyen emi adade eti ọfọñ ukuhọre-ñkpọ eka esie ọkuhọre. Ndien enye eyeduk edi, ye ekpri inem uyo esie ete, “Eka mi, Eka mi, mma nyet windo fo! Ñkanam ata eti utom nnọ fi. Mmama fi, Eka mi!”

Eka emi amade eyen esie ete, “Edi ata utibe ñkpọ ke afo anam.

Sọsọnu nte esinde uñwam ọnọ mi.” Ndien nte ekpri eyen esie akade akanam ñkpọ eñwen, eka esie eneñere mme mburọre oro. Ke ini ebede, enye ọdọhọ eyen esie ete yak enye esiyom uñwam man enye ekeme ndinam mme ñkpọ ke usuñ nte ọfọnde ekem.

Se Abasi anamde ọnọ nnyin edi emi. Enye ñko enyene ukeme ndinam kpukpru ñkpọ ọfọn ọnọ nnyin edieke nnyin imade Enye, enyuñ ekotde nnyin etiene editim-ñkpọ Esie (se ke Ñwed Mbon Rome 8:28). Edieke afo anamde mfọn-ñkan nte ukeme fo edide, ñkukure se Abasi oyomde oto fi edi oro. Enye ekeme, eyenyuñ añwam fi man ekeme ndinyene ñka-iso edieke afo edikade iso ndiyom Enye. Enye eyekpuhọre fi esin ke mbiet Esie osio ke ubọñ kiet esin ke ubọñ efen (se ke Udiana Ñwed Corinth 3:18).

Koro Enye emi Abasi okosiode ọdọñ etiñde ikọ Abasi: ndien Abasi idomoke domo Spirit inọ Enye. Edi ọnọ Enye Spirit Esie ọyọhọ-ọyọhọ! Ete amama Eyen, omonyuñ ayak kpukpru ñkpọ esin Enye ke ubọk (John 3:34-35).

Usen kiet ke ini nsuk ñkerede mbaña itie ñwed emi, mma ntua eyet idaresit kini ntimde mfiok nte ke Abasi idomoke domo Spirit inọ nnyin. Enye inyuñ inọhọ nnyin, enye emi ekpri mme enye oko ekpri. Enye ọfọn ido onyuñ enyene ukeme ndinam ñkpọ ñkan se nnyin ibeñede inyuñ ikerede! (se ke Ñwed Mbon Ephesus 3:20)

Ke Deuteronomy 7:6-7, Abasi ọdọhọ ete, “*Koro afo edide edisana Ikọt Jehovah Abasi fo, Jehovah Abasi fo ama emek fi edi ata ikọt Esie, akan kpukpru mme idut emi edude ke ererimbot. Idighe koro mbufo ekewakde ekan kpukpru mme idut, ekesin Jehovah ama mbufo, onyuñ emek mbufo; koro mbufo ekpekpri ekan kpukpru mme idut.*”

Oro edi ñkpọ emi ekpesinde idem aduai nnyin. Abasi ete, “Ami mmama mbufo, ndien ndọhọ mbufo nte, mbufo edi edisana.

Ndọhọ mbufo nte ke mbufo edi saña-saña idut. Ami ñkemek mbufo, idighe koro mbufo ekefonde ekem ke idem mbufo, edi koro mmade mbufo”. Nte afo ọmọfiok se Abasi oyomde fi anam mfin emi? Enye oyom fi enyime ima Esie. Kutiñ unọ Enye kpukpru se idiokde ke uwem fo, koro ke editim ntiñ, afo udighe ñkpọ ñkpaidem ke iso Esie. Enye ama ọfiok kpukpru se ibañade fi, ye kpukpru ndudue emi afo eduede, ke ini Enye ekeduride fi esin ke ebuana ye Enye.

Ata akamba mfina ediwak nnyin inyenede edi ke nnyin imaha idem nnyin. Ke ntak emi, nnyin inimke ke akpanikọ ite ke Abasi ama nnyin, mme ke owo eñwen ekeme ndima nnyin. Ke ntre nnyin ikere, “Mmọ ekeme didie ndima mi? Ami ñwọrọke ñkpọ baba kiet! Edieke afo onimde ete ke imọ idi ata oburobut owo, afo uduatreke ndinam ñkpọ nte oburobut owo. Ke akpanikọ, afo ukemeke ndibe idahaemi afo ekerede abaña idem fo ke esit fo.

Akpan mfina mi ekedi ke ami ñkamaha idem mi, ndien ñkeda eti ini mi ñwana ndikpuhọre idem mi nsin ke se ñkerede nte akpana ami ndi. Mma ñkere ke metiñ ikọ awak ñkaha, ke ntre ñwana ndidu ke ndop-uyo. Edi ke ndude ke ndop-uyo, ami ñkabare mfoho nnyuñ ntie ke mfuhọ, ndien kpukpru owo eyom ndidiọño se inamde mi ndu ke ndop-uyo. Ami ndien ñkere ke esit mi nte, ekedọhọ mi ete ke ami nnyene akwa inua, ndien ami ñwana ndifara edeme mman ñkutiñ ediwak ikọ. Esana mi eyak!

Ñkemeke nditiñ nno fi ibat isua emi ami ñkodude ke utọ idaha emi, edi nsuk nduk ke mfina oto ke inua mi, koro ñkanwanade ndikpuhọre idem mi. Ndien andidiok akadada nditiñ nno mi nte ndiokde kpukpru ini koro enye ananam utom ndikut nte ke imọ imobiomo nnyin ikpe inyuñ inam nnyin iyọhọ ye ndudue. Ndien otim añaña mi ntak emi edinim ke akpanikọ nte ke Abasi ama mi ọsoñde ke adañaemi nnamde se idiokde.

Abasi iyomke nnyin inyene ndudue ye ubiom ikpe, edi ana afo enyene mbuotidem ye uko ndiworo ufin. Nte afo omofioke ete ke iduhe nte afo ekpekerede abana ndudue fo emi ekemede ndiwam fi ekpe ekom-urua nkpo kiet emi afo akanamde mme edinamde idue? Nnyom nditofo ntak nti: Edi ata okposon nkpo afo ndinim ete ke Abasi ama fi ke ini afo anamde nkpo emi mmifonke.

Andidiok eyeñwana ndituhore fi ye mme ekikere nte ke afo edi ata idiok owo. Enye edidoho fi ete, “Nko afo akanam nkpo emi”. “Ekere ete afo edi anie owo?” Abasi ididioko fi tutu amama... akpana anam ofon akan oro. Idahaemi, afo ukemeke nditiñ nno owo enwen mbaña Jesus! Abasi ikemeke ndida fi nnam utom aba. Enye nko idiboro ke akam fo aba, koro afo ukemeke ndinam baba nkpo kiet nte ofonde.”

Ini ntem ke nnyin ida mbuotidem ke Abasi ye uko ndidaha nda nnyuñ ndoho nte, “Ete, mma nnam ndudue, ndien moyom Fi adahare do ono mi. Mmatua nkpofoke mbaña se ñkanamde, ndien moyom efen ono mi”. Ofon nko ndiboro andidiok. Ti enye ete ke Jesus ama ekpe ekom-urua idiok-ñkpo fo ndien ke ema efen eno fi, enyuñ enam fi oboho ubiom-ikpe ye ufen idiok. Odudu emi otode Iko Abasi emi anamde utom ke uwem fo eyebot mbuotidem ye iberedem fo ke Enye. Ndien afo emekeme ndikop inem uwem onyuñ edi eridifo ono mmo efen!

Ekeme ndidi afo ke ekere ete, “Nso idi ntak emi ami nkade iso ndinam ukem-ukem ndisime nkpo kpukpru ini? Ami mma-nsikere ke ukem usuñ emi, tutu nnam nkpe-mbiere nditre ndinyene ubiom-ikpe ke ntak mmo. Ke adanaemi anamde nkpe-mbiere nditre ndidu uwem ye ubiom-ikpe ke abana se afo akanamde edue, eyeñwam fi nditre ndinam enye.

Ndudue ye ubiom ikpe efik fi enim ke isoñ enyuñ enam fi etie ke mfuhoro tutu osim idahaemi afo munyeneke uworo ufin. Enye

anam fi okop mmem-idem onyũ anam edi ata mmem-mmam afo ndiduõ nsine ke idiõk-ñkpo. Oro edi ntak emi akpanade nte afo okop uko ndibõ edifen nno nto Abasi onyũ anwana ye ubiom-ikpe, emek ndidu uwem ke mbuõtidem ke se Abasi etiõde ke Iko Esie onyũ esin ndiduk mbuhõ ke ubiom-ikpe. Asua eyedõhõ ete, “Nte afo unyimeke ete ke se imõ inamde õdiõk? Ntak edide ntre? Akpana nte osuk akaiso ekere abaña idiõkñkpo fo. Se afo akanamde ama eneñere õdiõk.” Kpukpru se afo enyenerere nditiñ edi, “Ih, ih, ñkerekere ntre. Ndikerekere ntre ke baba usuñ kiet.” Ndien boñ akam nyũ beñe uñwam mman Abasi õno fi mfõn ndibin ekikere oro nsio nnyũ ñka iso. Ekeme ndineñere nsõñ ke akpa ini afo oyomde ndinam emi, edi nte ini ebede eyenwana emem.

Ke Ñwed Isaiah 53, nnyin ikot ite ke ini emi Jesus ekemende mme idiõk-ñkpo nnyin obiom, Enye ama emen ubiom-ikpe ñko (utip-idiõk ido ama esine do). Ukpaha-ekpo iyomke fi õbõhõ utip idiõk ido. Nso edi ntak? Koro edieke afo enyenede ubiom-ikpe, afo udukemeke ndibõ ima Abasi nnyene. Ubiom-ikpe edi se ibaharede fi ikpoñ Abasi ndien afo ukemeke ndikop inem ke iso Esie. Enye osio fi esit õkpoñ Abasi esin ke idem fo.

Afo emekeme ndidu uwem emi minyeneke ubiom-ikpe ke afo ndinim ke akpanikõ ete ke ini Abasi õdõhõde ete mfõn Imõ ekem fi udeme, edi ntre. Enye ama fi, mfõn Esie ye edifen mme idiõk-ñkpo edi enõ fo. Bõ mmõ mfin emi.

3



IMA EDI EBUANA

“Ndien nnyin imofìk ite (otim ańwańa nnyin, imokut, imenyene ifìk ibańa, oto ke se ikutde, inyuń idińńode) inyuń inim ke akpanikọ (ndisọńọ ndiana nnyuń nnyene mbuotidem nnyuń mberedem ke) ima emi enemde Abasi kabańa nnyin. Abasi edi Ima, ndien owo emi oduńde onyuń akade iso ke ima emi odu onyuń akaiso ke Abasi, ndien Abasi odu onyuń akaiso ke enye.”

– Akpa Nńwed JOHN 4:16

Nte ikọ Abasi emi ọdọhọde, Abasi edi ima, ndien Enye oyom nnyin itim idińńọ, inyene ifìk ibańa, inyuń itim isin ima Abasi ke esit nnyin. Nnyin ikeme ndisin esit ke ima Abasi didie? Okposuk edi ima Abasi okponde etieti, edieke afo mudińńọke ubańa ima Esie idinyeneke ufọn baba kiet inọ fi. Kere bańa nte enemde fi kini owo owutde fi ekese ima. Kini afo ọfìkde ete ke ema fi, enye ọnọ fi uko. Abasi ama fi, ndien Enye oyom ndiwut fi ima oro. Enye okot nnyin kiet-kiet esin ke ntọtuńọ, akpan nsańa, ye sańa-sańa ebuana ye Enye. Enye oyom nnyin ikot Enye isin ke kpukpru se nnyin inamde. Enye onyuń oyom nnyin inyene anana-utit nneme ye Enye nte ata eti Ufan.

Nte afo emenyene sańa-sańa mfọn-mma ebuana ye Abasi?

Kini nnyin imanade obufa, nnyin inyeneke ediye nsaña ye Abasi ke ndo-ndo oro. Nnyin inyene ndinam ebuana nnyin ye Enye ọkọri, emi ukem usuñ eke nnyin inamde ye mme owo efen.

Mma ndi eyen Abasi ke ata ediwak isua mbemiso ntọñọ ndinyene ata udọñ mbaña ndisaña ye Abasi. Mma ñka Ufọk Abasi ke ederi (Sunday), nnyuñ nnam ñkpri utom ñwa-idem do, edi Abasi ikedighe Andikama uwem mi ke ini oro. Eketie mi mfefere-mfefere ke idem ami nnyuñ ndi ukpọk. Idahaemi, Enye edi akpa ñkpọ emi ami ñkerede mbaña ke usenubọk ye akpatre ñkpọ eke ami ñkerede mbaña ke okoneyo. Nnyin inyene ebuana ye kiet eken ke ofuri uwemeyo, inyuñ iduhe ñkpọ emi ami nnyomde emi okponde akan ndinam ñkpọ Abasi mi nnyuñ nnem Enye esit. Odudu emi Abasi etibide odu ke idem owo kiet -kiet, ndien Abasi ikpọñ ekeme ndiyọhọ enye. Iduhe ñkpọ emi afo oyomde mme ebinede emi ekemede ndinam odudu emi oyọhọ. Mmọsọñọ ndọhọ fi nte obup idem fo: Didie ke ami nsin idem ke ebuana mi ye Abasi? Nte ami mmebeñidem ndinim Enye ye uduak Esie ke akpa, mbemiso kpukpru ñkpọ eken? Nte ami mmekeme nditiñ nte Paul ke Utom Mme Apostle 17:28, “Nnyin idu ke Enye, inyuñ isaña ke Enye, inyuñ inyene uwem nnyin ke Enye?”

Abasi ama fi, afo onyuñ edi saña-saña owo ọnọ Enye. Enye okobot fi man afo enyene ebuana ye Enye. Emi edi mkpon-ñkan udọñ esit Esie ye mfọn-mma uduak Esie ke abaña uwem fo. Enye ọdọñ odu ye afo ke eyo ọtọñode nditara ete, “Emesiere, mmama fi”. Edieke afo mmusukopke nte Enye etiñde ntem ye afo, nte afo emebeñe idem nditọñọ ndikpañ utọñ nnyuñ nnim ke akpanikọ?

Ufan mi kiet akañwana ndise nte Ete okpodukde ke mme ufọk owo kiet-kiet ke America ke ini emi edemerede idap ke usenubọk. Enye okoduk ye mbeñidem ndinyene ebuana ye mmọ. Enye onyuñ osuhọre etetie ke akpakaha ke mben okpokoro. Mme owo emi edaha eda, mmọ enyuñ eka, enyuñ enyọñ, enyuñ eka, enyuñ

enyoñ. Mmọ eka iso ndidọhọ Abasi nte, “Ke ndi, kam suk tie do ke esisit ini. Mma ñkam nnam enye emi mma, nyedi ndineme ye Afo. Nyedinyene ebuana ye Afo, Abasi, mma ñkure. Abasi, mma ñkure.

Usen oro ebe, Abasi ọkpọñ ufọk mmọ ke mfuho koro baba owo kiet ikedighe idineme nneme ye Enye usen oro. Owo kiet-kiet ekekpa utom ndinam mme ñkpọ emi mmọ ekedade nte akpan oro anam mmọ inyeneke ini inọ Abasi.

Kukpa utom utre ndinyene ini nnọ Abasi. Edieke munyeneke ini ndibọñ akam, nnyuñ mbiat ini ye Enye, ọwọrọ ete ke afo emeneñere anana ini. Da ifet ndidọhọ Abasi ke afo amama Enye. Ke kpukpru ñkpọ eken ema ebe efep, ñkpọ ndomo kiet idisuhọke ke mmibọhọke Abasi. Edi ntre! Ndien edieke afo munyeneke ebuana ye Enye ke idaha oro, ini ididuhe afo nditọñọ ndinyene ebuana oro.

Kini ete mi ekebede efep, inemesit ekedi koro enye ama enyene Jesus nte Andinyana esie ke ñkpọ nte isua ita mbemiso enye akpa. Okposuk edi emi ete mi akade heaven, enye ama ataba idaresit emi etienede ndidu uwem erikan nnọ Abasi. Enye okodu ọnọ idem esie kpukpru ini. Kutua ñkpọfiok ke osimde utit uwem fo sia afo akabiatde enye ọnọ mme ñkpọ emi mikenyeneke udori baba kiet. Ini edi ñsọnurua enọ emi otode Abasi, ndien ana nte nnyin itim ikpeme nte nnyin ibiatde ini emi nnyin inyenede. Kut ete ke ama abiat enye, udukemeke ndifiak nda enye nnyene. Ini emi inyenede ye Abasi ọnọ akamba utip, edi ediwak ñkpọ eñwen enọ esesit inemesit ke ata nsọñ-urua.

Mmekere nte afo akpada isua kiet emi ededi emi owuk enyin fo ke ima Abasi, okot mme itie Ñwed Abasi emi abañade ima, mman afo ekeme ndikpep nte ọbode ima Abasi.

Ima Abasi emen uyuhọ, emem, idaresit, ye udọñ esin ke uwem fo. Ndien Enye oyom nnyin ibọ emem inyuñ ikọp inem ke ndidi nditọ Esie. Kot mme itie Ñwed Abasi emi ebañade se Abasi edide, nyuñ fiọk Enye etim ọfọn.

Akpa Ñwed John 4:16 ọdọhọ ete, “Ndien nnyin idiọñọ (ańwańa nnyin, itim ikut, inyene ifiọk ibańa se ikutde, inyuñ idomo ifiọk) inyuñ inim ke akpanikọ (isọñọ iyire inyuñ isin mbuọtidem k’esit inyuñ iberedem k’esit) ima emi Abasi amade nnyin.”

Ekeme ndidi afo ukwe ima emi emade fi ke usenubọk. Ekeme ndidi afo unyeneke ibifik, ndien afo eyediọñọ ete ke usen oro esit eyesọp ayat fi. Eti mbuk edi, afo emekeme ndikpuhọre edu fo ke nditiń mme ikọ nsọñesit ye eke mbuọtidem. Tiń ke ọkpọsọń uyo ete, “Abasi otiń ama mi. Ami ndi eyen-enyin Esie, ndien Enye enyene eti uduak abańa mi.” Edieke afo editińde ikọ abańa Abasi ye Ikọ Esie ke itie mme mfina fo mme nte etiede fi ke idem, afo emekeme ndiwọñọre usen fo nnim.

Afo enyene nditiń ikọ nnọ idem fo, nnyuñ mfiọk ete ke edi ima Abasi akanare fi okuk. Ñwed Abasi ọdọhọ ete ke ekap ndise fo esin ke Eka Ubọk Abasi (se Ñwed Isaiah 49:16). Ami mmekeme ndikut Enye ke enyọń nte ọdọhọde ete, “Sese, omokut oro? Oh, nte mmọ itimke iyie? Mmetim mma mmọ eti-eti. Sese nditọ Mi, kpukpru mmọ mi ke eka ubọk Mi.” Enye enyene fi do nditi Enye ete ke Enye ama fi onyuñ enyene ọkpọsọń udọñ ndinyene ebuana ye afo.

Ti ndikọm Abasi nyuñ kọri ke ebuana emi akade iso kpukpru ini ye Enye. Ndusuk ini afo emekeme nditre kpukpru utom eken nnyuñ nkọm Abasi nte ke afo ọmọdiọñọ Enye, onyuñ ọdọhọ Enye ete ke Enye edi ata Utibe. Suhọre idem nyuñ ma Abasi. Akpa Ñwed John 4:16-17 ọdọhọ ete, “Abasi edi ima, ndien owo ekededi eke odude onyuñ akade iso ke ima, odu onyuñ aka isoke Abasi,

ndien Abasi oduñ onyũn aka iso ke enye. Ke ima emi (edidiana kiet ye ebuana ye Enye) ima odu ọyọhọ-ọyọhọ onyũn esim mfọn-mma ye nnyin, mman nnyin inyene uko ke usen ikpe.”

Ndifioke nte ke Abasi ama fi ọnọ fi uko ke Enye ye mbuotidem ke akpaniko Esie. Kpukpru eridioti emi Enye enyenede ọnọ fi ediwofo owut idem ke afo ediyakde Enye ama fi: nkpon-nkan mbuotidem, ndikan idiok-nkpo, emem ke esit fo, erikok udoti, uwem emi ọyohode ye mme eno Esie, ye idaresit. Mmo edidi itiene fi adaña nte afo ayakde Enye ama fi. Ediwak ini nnyin iwoti emi inim inyuñ ikere: “Ofon, ami nnyene ndima Abasi”. Ami mmenim ke akpaniko nte ke afo enyene ndibem iso nnyak Abasi ama fi. Nnimke nte ke afo emekeme ndima Abasi tutu afo ayak Enye ama fi. Nwed Abasi ete ke nnyin ima Enye koro Enye ekebemde iso ama nnyin (se ke Akpa Nwed John 4:19).

Kini nnyin ifioke ite ke Abasi ama nnyin ndien nnyin inyuñ ibo ima Esie inyene, nnyin imekeme ndima Enye nko. Ndien nnyin imekeme ndinyene ebuana ye Enye. Afo emekeme ndikere, “Owo ekeme didie ndinyene ebuana emi ye Abasi?” Ke ini Abasi okodohode mi ete nnyene ebuana ye Imo, nkosuhore ntetie ke akwan mi nnyun ndoho nte, “Nso efen, Abasi mi?” Akpaniko edi oro! Ami nkofioke nte nkemede ndinyene ebuana ye Abasi koro, ke ini oro, ami nkitimke mfiok adaña nte Enye amade mi, ikinyun itimke inwani mi ete ke Enye oyom mi ndi ufan Esie ye owo nsani Esie. Nte ami mbiatde ini mi ye Enye, ke ndibon akam, ndikot Ikọ Esie, ndusuk ini nditie ke ndop-uyo ke Iso Esie, ami nkpep ndikop inem ke ebuana ye Enye.

Mmoyom ndisoti fi idem nte yak ọworo onyũn ototi isañ. No Abasi ifet, ndien Enye eyekpep fi nte ekemede ndinyene ebuana ye Enye. Ami ndiwanake ndino fi usuñ nte ekpenyenede ebuana ye Abasi. Nyomke ndino fi akpa ikpekek, ọyohọ iba, ọyohọ ita ntre-ntre nka iso. Nnyom Edisana Spirit ada fi usuñ. Abasi

oyom afo enyene ndoñesit ke Enye...sia, nte Ñwed Ephesus 3:17
etiñde, esit fo edi ebiet iduñ Christ.

4



IMA, IBEREDEM YE MBUQTIDEM

“Koro ke Christ Jesus edina mbobi inyeneke ufɔn, edinyuñ ntre ndina mbobi inyeneke ufɔn, edi mbuqtidem anam utom ke ima.”

– Ñwed GALATIA 5:6.

Ediwak nnyin ibiat ini ndidomo ndinyene mbuqtidem. Nnyin imoñiok ite ke esiode mbuqtidem efep, owo ikemeke ndinem Abasi esit (se ke Ñwed Hebrew 11:6), ke ntre nnyin iñwana inyuñ ikpa utom man inyene ñwak-ñkan mbuqtidem. Edi mbuqtidem okori ke esit nnyin, nnyin ñko ibo enye inyene oto ke ebuana ima nnyin inyenede ye Abasi ye ke ndikop Ikọ Esie. Enye (mbuqtidem) owofo owut idem oto ke eriyarade emi otode Abasi. Ami ñkemeke ndikpep fi mbuqtidem, edi mmekeme ndikpep fi mme usuñ nte esañade enyene mbuqtidem nnyuñ nnam fi okop biõñ ke usuñ nte edinamde fi oyom enye ke kpukpru usuñ. Mbuqtidem edi ubok emi anyanarede onyuñ obo Abasi ñkpo.

Nnyin inyene nditre ndiñwana ke ofuri odudu nnyin ndinyene mbuqtidem nnyuñ nnem Abasi esit, inyene nditoño ndibiat ini oro ye odudu ke iso Abasi nnyuñ mbọ ima Esie nnyene.

Udiana Ñwed Corinth 5:7 odofo ete, “Koro nnyin idu uwem ke mbuqtidem, (nnyin ineneñere uwem nnyin inyuñ ikama idem

ke se nnyin itimde ifiok inyuñ inimde ke akpanikọ ke otukde ebuana emi owo enyenede ye Abasi ye mme ñkpọ abañade ido, ye iberedem ye edisana udọñ, ntem ke isaña) idighe ke se ikutde ke enyin.” Ini kiet ke ñkokotde itie Ñwed emi, ñkop nte Abasi etiñde ikọ ke esit mi. Enye owut mi ete ke idighe ke ami ndiyom mme ndidomo ndisaña ke mbuotidem edi se idiñwamde mi. Itie Ñwed emi ọdọhọ ete ke ami ndinyene ukeme ndisaña ke mbuotidem oto ke se ami nnimde mbaña ebuana mi ye Abasi. Dop nyuñ kere baña oro. Bup idem fo se afo ekerede abaña ebuana fo ye Abasi. Owo emi onimde ete ke imọ inenke ke iso Abasi ikemeke ndisaña ke mbuotidem. Ema enam nnyin inen ye Abasi oto ke uwa emi Jesus Christ akawade (se ke Udiana Akpa Ñwed Corinth 5:21). Edinen ido nnyin ikọñọke ke se nnyin inamde mme se nnyin idinamde; enye ọkọñọ ke se Jesus akanamde. Ke ntre owo emi ekerede ete ke imọ idi ata idiok andikpu ñko ke Abasi imaha imọ idisañaake ke mbuotidem.

Ñwed Galatia 5:6 ọdọhọ ete ke mbuotidem asaña ke ima. Ediwak owo ekere ete ke itie Ñwed oro ọwọrọ ete ke edieke mmimọ ikemedede ndima mbio efen, edito do mbuotidem eyewọrọ usuñ ọnọ mmimọ ndien mmimọ iyekeme ndibọ Abasi se mmimọ iyomde. Okposuk edi Abasi oyomde nnyin isaña ke ima, idimemke nnyin ndinam emi tutu nnyin ibemiso iyak Abasi ama nnyin. Emi edi ata mmem-mmem: nnyin ikemeke ndiyak se nnyin minyeneke nnọ mmọ efen. Ami mma ndomo ke ediwak isua ndisaña ke ima ye mme owo koro ñkọfiokde nte ke emi edi ewuhọ Abasi, edi mma nnyene edikpu tutu ami mbọ ima Abasi emi minyeneke adaña nnọ idem mi. Nte ami ñkopde inem ke idem mi, mma ntim nnyene ukeme ndinyanade mma mme owo eken. Kini afo otimde ọfiok nte Abasi amade fi, afo udunyeneke mfina ndibọ nto Abasi ke Enye ndiyọ mme unana fo. Ñkukure ntak emi mme owo mikemeke ndibọ edi koro mmọ minimke ke akpanikọ ite ke Abasi ama mmọ onyuñ oyom ndiyọ mme unana mmọ nnyuñ ndioñ mmọ.

Afo emekeme ndidohọ ete, “Ami mmoyom ndinim ikọ oro ke akpanikọ, edi ndisaña didie?” Afo emenyene ima Abasi ke esit-esit fo, ndien se afo enyenede ndinam edi nditohọ ndiohọ ima oro kini Abasi owutde fi. Nwede Abasi odohọ ete, “Nnyin ima Enye, koro Enye ekebemde iso ama nnyin” (Akpa Nwede John 4:19). Idighe mmem- mmem afo ndima Abasi edieke afo munyeneke uyohọ ifiok ete ke Enye ama ebemiso ama fi.

Ima Abasi odu fi ke esit... ke ata isoh esit fo. Ndien afo eyefiok emi ke ini afo otohode ndikut idem fo nte Enye okutde fi. Enye odohọ ete ke afo edi utibe, eye eti-eti, enyene ukeme, onyuh edi nkpo-uto onọ Imọ. Abasi ama fi. Baba owo kiet ke ofuri iso isoh ikemeke ndima fi nte Abasi amade fi. Nte afo ekerede abañ ima Abasi, ntre ke afo edikeme ndinyene mbuotidem ndidu uwem nte Enye oyomde fi odu.

Afo uyomke owo efen ke mibohoke Abasi, edi Enye eyeda mme owo esin ke uwem fo. Ke akpanikọ, edieke ekpedide afo ye Abasi ikpon edu, ukpunyeneke mfina. Abasi eyedi mfon-nkan Ufan fo. Enye eyedi nsañ fo edieke efen miduhe. Enye eyedi ete mme eka emi afo munyeneke. Enye edi kpukpru se afo oyomde. Kunam ndudue ndiyom Abasi osuk ananam nkpo onọ fi; beñe Enye ndiyohọ uwem fo. Yom Enye oyohọ fi ofuri uwem fo ye idem Esie (se Nwede Mbon Ephesus 3:16, 19).

Abasi otim ama fi onyuh oyom ndinwam fi ke mme unana fo nnyuh nnam mme udoh esit fo osu. Adañ nte afo odude uwem ndinem Enye esit , Enye eyenọ fi mme nkpo oro nte Enye amade ke ini Esie (se ke Nwede Psalm 37:4). Abasi okodohọ Abraham ete ke Imọ iyedioñ enye inyuh inam enye edi eridioñ onọ mmọ efen. Ntem ke Abasi oyom ndinam nnọ fi, edi afo enyene ndinim ke akpanikọ! Sana mbuotidem fo yak nyuh nim kpukpru eñwoñ Abasi ke akpanikọ, koro mmọ enyene fi.

Ndidomo Mbuotidem Ye Utom Obukidem

Ñwed Mbon Ephesus 2:8 ọdọhọ ete, “Koro ke mfọn (mfọn emi afo mudotke) ke eda enyaña fi.” Nte afo omokut ete ke afo ukunamke baba ñkpọ kiet man enyaña fi? Ekese nnyin ikedi ata mme anam idiok-ñkpọ ke ini Jesus anyañade nnyin, ndien enọ erinyaña Esie ikọkọñọke ke mme nti utom nnyin mme ukeme nnyin ndinam ñkpọ nte ọfonde ekem. Ekedi ke ntak ñkpọ kiet ikpọñ: Abasi ama etim ama nnyin tutu Enye ayak ñkukure Eyen Esie ọnọ mman owo kiet ekededi ọbuotde idem ye Enye okutak, edi enyene nsinsi uwem (se ke Ñwed John 3:16).

Mfọn ọwọrọ udoñ emi Abasi enyenede ndida odudu Esie emi odude ke idem nnyin nsobo ye kpukpru unana nnyin. Kpa nte Abasi, ke mfọn, ọkọnọde fi mbuotidem man afo ekeme ndibọ erinyaña, Enye ñko, oto ke ntak ima Esie, ọnọ fi mbuotidem man afo onim ke akpanikọ abaña mme ñkpọ eken emi afo oyomde onyũ ananade. Afo emekeme ndiyom mme ndima fo enyime Christ, edi ke akpanikọ, afo ukemeke ndinam baba owo kiet ama Abasi. Afo emekeme ndibọñ akam nnyũ mbeñe Abasi ndinam utom ke esit mmọ, edi afo ukemeke ndinam emi ọwọrọ osu oto ke mme utom fo.

Mme utom obukidem, mme mme ñkpọ emi afo odomode ndinam ke odudu idem fo, ewak ndinam nnyin ituk iso koro nnyin iñwanade ndinam mme ñkpọ emi edide Abasi ikpọñ ekeme ndinam. Nnyin ikpa utom edi inyeneke eti ibọrọ. Se anade nnyin inam edi ndisuhọre idem nnyin ke iso Abasi nnyũ mbeñe uñwam Esie. Ñwed Abasi ọdọhọ ke Akpa Ñwed Peter 5:5 ete ke Abasi ke Idem Esie añañwana, asua ọnọ, onyũ akan mbon ntañidem, edi Enye “ọfọn ido ye mbon nsukidem.”

Mfọn Abasi edi ata akpan ñkpọ ke uwem nnyin. Enyaña nnyin ke mfọn oto ke mbuotidem, ndien ukem usuñ emi ekenyañade

nnyin edi usuñ emi anade nnyin idu uwem nnyin kpukpru usen – ke mfɔn Abasi oto ke mbuɔtidem! Ini eke ededi eke afo enyenede itiat idak isoñ emi edide ima Abasi ke uwem fo, adañado ke afo editoño ndiberedem ke Enye. Afo eyekeme ndisaña ke mbuɔtidem idighe ke se okutde. Afo eyefiok ke esit fo ete ke Abasi edi anam akpanikɔ ndinam mme eñwoño Esie ewoɔo esu.

Nte Ñwed Abasi (Amplified Bible) etiñde, mbuɔtidem edi, “ndiyak kpukpru se itukde uduot owo ke Abasi, ke ofuri iberedem ye uko nsin ke odudu Abasi, ifiok ye mfɔn-mma Esie” (Ñwed Colossae 1:4). Nte afo ayakde Abasi ama fi, afo eyekeme ndinam oro. Adaña nte ebuana fo ye Abasi okoride ntɔtuño-ntɔtuño, ntre ke mbuɔtidem fo editie. Afo eyekut nte Abasi ebede ke idem fo anam mme ikpɔ ñkpɔ, kpa nte anamde ɔno fi, edi kpukpru ɔtoño ke nte eyararede ima Esie eno fi. Abasi ama fi! Kunyene baba eyihe kiet.

5



NDIWỌRỌ UFIN ÑKPOÑ NDIK

“Ndik iduhe ke ima (nyomo-nsia iduhe), edi ima emi ofonde ama (ekem ibat, anam ofon ama) ebin ndik efep; koro ndik asaña ye ufen, ndien owo eke efehede ndik, isimke oyohọ ima (ikorike isim idaha mfon-mma ima).”

– Akpa Ñwed JOHN 4:18

Nnyin imekeme ndisim idaha emi nnyin ikopde inem ke mbuotidem, inim Abasi ke akpanikọ inyuñ ikop uko ke ifiokde ite ke Enye ama nnyin.

Ndien ke edibọp enyin ntat, asua ọdọñ ñkpọ ediñwana ye nnyin.

Mme idaha ke uwem nnyin – mme ndiọi ñkpọ emi etibede enọ nnyin – ekeme ndidomo mbuotidem nnyin ata etieti. Ediwak owo inyeneke eyihe ke Abasi ama mmọ tutu mfina ọtọñọ ndisim mmọ anam mmọ ekere ete ke Enye imaha mmimọ.

Ke ini ntem ke asua edi ye ndik ye ubiom-ikpe mman abahade fi ọkpọñ se ikpiñwamde fi – Ima Abasi. “Nte omokut emi?” enye ete fi. “Ñkekere nte ke Abasi ama fi. Edieke Abasi amade fi ntak emi mme ndiọi ñkpọ etibede enọ fi? Ekeme ndidi afo amanam ata

idiok-ñkpọ. Abasi otim ayat esit ye afo.”

Edi mmem-mmeme ke ini idomo ye akwa afanikoñ, ini emi ñkpọ misañake ifon, edinen ikpe mminyuñ iduhe, afo ndiduok uko fo ke Abasi. Ediwak ini, Abasi inamke ñkpọ nte nnyin iyomde, ye ke ini emi nnyin ikerede ite ke Enye akpana nte anam. Enye enyene uduak emi okponde akan eke nnyin. Enye oyom ndikpuhore nnyin akan nte Enye oyomde ndikpuhorede idaha nnyin. Ndien Enye ke ediwak ini ada mme ñkpọ emi abiakde nnyin obop mbuotidem nnyin ke Enye onyuñ añwam nnyin ndikpep nte inimde Enye ikpoñ ke akpaniko. Ke mme ini ntem, idinwañake nnyin se ikade iso, ndien nnyin imekeme ndiduok nduk ke afia andidiok ndikere nte ke Abasi imaha nnyin. Ini ntem ke ana nte nnyin iti Ñwed Mbon Rome 8:35-39, emi odohode ete ke baba ñkpọ kiet ikemeke ndidiañare nnyin ke ima Abasi, ñko ke nnyin imidioidiñ ikan ke Christ Jesus. Mfon-ñkan ñkpọ emi nnyin inyenede ndinam ke ini inyenede mfina edi ndisioro uyo ntiñ ntem, “Abasi, ami mmoñiok nte ke Afo amama mi, mmonyuñ nnim nte ke eti ñkpọ eyeto ke emi osim mi.”

Ndusuk ini, Abasi isopke ndinyaña nnyin tutu ke ini nnyin ikerede ite ke ini abiara. Nte afo emeti Lazarus? Martha okodohọ Jesus ete ke Enye ekedi ke idiok ini, edi Enye ama ofiok se Enye akanamde, ndien Lazarus ama ototo ntak odu uwem ke usuñ nte adade ata ubon onọ Abasi. Abasi ekeme nditre ndinam ñkpọ nte ekikere nnyin edide, edi Enye ididighe ke idiok ini. Ke ini afo enyenede mfina ke uwem fo, wuk enyin fo se Abasi nyuñ men mbuotidem fo sin ke edinam. Kuyak ndik ye editimede esit eyip ima Abasi fo.

Akpa Ñwed John 4:18 edi itie ñwed emi enyenede odudu eti-eti: *“Ima emi ofonde ama ebin ndik efep”* (NKJV). Mma ñkere, ntim ñkere itie ñwed emi, ñwana nditim mfiok, ndien usen kiet, otim anwaña mi: ima emi ofonde ama ebin ndik efep, ndien Abasi

edi ima emi ofonde ama. Ke ini afo ofiokde mfon-mma ima emi otukde fi, afo uduyakke ndik akara fi. Edieke ndik anamde fi, afo eyesuk aka iso ye Abasi koro afo ofiokde ete ke Enye odu ye afo kpukpru ini.

Oyoson fi ndifehe ndik erikpu edieke afo ofiokde ete ke Abasi ama fi. Afo emenyene unen ndidomo mme nkpo nse koro afo ofiokde ete ke ima ye erinyime Abasi itoho ke ukeme fo ndinam nkpo. Afo ukemeke ndinyene erikpu edieke eberide idem ke Abasi. Nkukure usuñ emi afo edikpude edi edieke afo eberede ke idem fo. Mme nkpo ekeme nditre ndiworo nte afo akaduakde, edi eyeworo nte ofonde edieke afo owukde enyin fo ke Abasi. Edieke afo ofiokde ete ke Abasi ama fi afo uduyeneke ndik ubana erikpu, edisin emi owo edisinde fi, unana, se ima ikebe, se ididide ke ini iso, ye nkpo kiet ekededi.

Ima Abasi okpon eti-eti ofuk kpukpru nkpo. Nte afo ekere ete ke Abasi emi akanyaade ukpon fo onyuiñ anamde fi oworo ufin ekeme ndiyak fi enyene erikpu? Nte Enye ediyak fi anana uñwam? Satan edi usua ukpon nnyin. Enye edi ino ye osu-nsu, edi Jesus oyom nnyin inyene mfon-nkan uwem inyuiñ ikop inem ke esit. (se ke Nwed John 10:10).

Ke Nwed Abasi emi etatde ikpo anwana (Amplified Bible) Akpa Nwed John 4:18 odoho ete, *Ndik iduhe ke ima (nyomo-nsia iduhe), edi ima emi ofonde ama (ekem ibat, anam ofon ama) ima ebin ndik osio ke enyin-usuñ onyuiñ ebin kpukpru nkpo-ndik efep; koro ndik asana ye ekikere emi abanade ufen, ndien owo eke efehede ndik, ke ikanamke enye ofon ama ke ima (ikorike isim idaha mfon mma ima) (Akpa Nwed John 4:18).*

Otonore ke ini emi Abasi akanwamde mi ndifioke nte ke ima ebebin ndik efep, ami nkenyene ndida ifioke emi nsin ke edinam. Nnyin ikenyene mfina ke moto nnyin. Nnyin ikikere ke se inamde

moto awat abiara, ndien nnyin ikinyeneke okuk ndikpuhọ enye.

Edi nnyin ika iso ndiwat moto oro, ye idorenyin ke enye idiwubekere iwọrọ.

Mma nnyene ntuk ke usenubọk kiet nte Abasi ọdọñde mi esit ye ikọ emi: Joyce, kam da ofuri usen emi nyuñ ma Mi, nyuñ yak Mi mma fi ñko. Afo unyeneke ndinam ñkpọ ndomo kiet eñwen. Afo unyeneke ndiñwana ndidi ñwan emi enyenede akwa mbuọtidem. Se afo enyenede ndinam edi ndiduñ ke ima Mi.”

Ke ntre, ami ñkwọ ikwọ, nsio mme mbufa ikwọ nnọ Abasi, nnyuñ ndu ke akwa inemesit ye Abasi. Ami ke ñkwọkwọ, ñkop ebe mi ke itie unim ubom isoñ (moto) nnyin, ke ñkpọ nte minik aba ye ition ebede ke enye ama akadaha itie utom esie! Enye eberede usuñ onyuñ ọdọhọ mi ete, “Ami ñkekemeke ndisio ubom isoñ (moto) ke akpa ‘gear’ (ñkpọ emi anamde enye awat). Nnyin inyene ndida enye ñka man ediọñ enye.”

Ami mma mberi usuñ nnyuñ ntọñọ ndisak imam. Emi idighe se ami ñkpanamde, inyuñ idighe ñkpọ eke ñkokoide-koi mbiere ndinam ke ndo-ndo oro. Imam oro onyuñ ọwọrọ edi ntre. Sia edide mma nyak Abasi ama mi, ami mma nnyene ukeme ndisak imam ke ini ñkpọ ọsọñde. Ndiduñ ke Abasi eberede usuñ mman mbuọtidem ọwọrọ edi, idighe ndik. Ami nnyuñ ntọñọ ndisak imam, oro ekedi mbuọtidem. Ami ñkasak imam koro ke ata isoñ esit mi, ami mma mfiọk nte ke Abasi ama nnyin ndien Enye eyeyọ unana nnyin.

Abraham akasak imam mbuọtidem. Ke ini Abasi edide edidọhọ enye ete ke enye eyenyene eyen eren, Abraham asak! Enye ama ọfiọk ete ke baba usuñ iduhe, ke se owo enyenede ifiọk abaña, nte enye ye Sarah edinyenede eyen, edi enye ama onim Abasi ke akpanikọ, ndien idaresit esie otop ọwọrọ ke imam.

Ami mmenim ke edieke nnyin inamde ñkpọ ke oruk usuñ emi enye eyeberede usuñ mman Abasi ańwam nnyin ke utibe usuñ. Anie ekeme ndikere mbaña usak imam ke ini enye enyenede mfina? Ẹwede Abasi ọdọhọ ete ke Abasi etie ke heaven onyụn asak mme asua Esie (se ke Psalm 2:2-4). Edieke Abasi ekemedede ndinam emi, nnyin imekeme ndinam ñko. Ka iso ndisak imam kpa imam mbuotidem. Edi akpanikọ, Abasi ama fi. Ndien edieke Abasi adade ye afo, anie ekeme ndibiọñọ fi?

6



IMA ANYANYANADE OTUK

“Ndien ewuhọ emi (nnọ item, uyo, mbet) nnyin inyenede ito Enye, ete owo eke amade Abasi eyema eyen-eka esie (andinim ke akpanikọ) ñko.”

– Akpa Ñwed JOHN 4:21

Afo edi saña-saña eyen ọnọ Abasi. Enye etiñ abaña fi ke Deuteronomy 7:6. Ke ini afo etimde ọfiọk ete ke imọ idi saña-saña inọ Enye ndien afo odu uwem ke idaresit ye uko eke enye ọnọde, enye eyetuk ñkan-ñkuk fo ke ediwak nti usuñ. Afo eyeduk ke akwa ufok urua ye imam ke iso fo, ye ekikere ete, “ema mi”. Kpukpru ñkpọ ọfọn ke uwem mi. Mmekeme ndinam mme mmọ eken ebọ eridiọñ oto ima emi otode Abasi osim mi. Afo emekeme ndinyene inemesit ke kpukpru ebiet emi afo akade, ndien idaresit fo eyenam mmọ eken ebọ eridiọñ. Psalm 100:2 ọdọhọ ete yak nnyin “inam ñkpọ inọ Abasi ke idaresit!”

Ke ini nnyin ifiọkde ite ke nnyin idi saña-saña ke ubono-ñkpọ Abasi ndien edu nnyin ye ido nnyin oduk ekekem ke eriyarare emi, nnyin imekeme ndibuana Christ inyuñ ida ima Esie iwut ke mme usuñ emi edidade mme owo isọk Enye. Ima Abasi emi ọfiọrọde oto fi eyenam fi enyene ntuk abaña mme unana mbon eñwen onyuñ anam fi enyene mbom abaña mmọ. Ima Esie emi odude

fi ke esit eyenam fi ɔwɔrɔ ufin ndik ndien afo udukopke ndik ndiñwam mmɔ efen ke ima. Afo udufeheke edisin emi mme owo edisinde fi, mme nte edade fi enam mbuburu; ima Abasi ke esit fo eyenam fi okut mme unana mme mmɔ eken enyenede mman odomo ndiñwam mmɔ.

Abasi oyom fi onim ke akpanikɔ ke ini Enye ɔdɔhɔde ete ke iyeda fi inam mme ikpɔ ñkpɔ koro Jesus oduñde ke afo. Beredem nyuñ nim ke akpanikɔ ke Enye oyom ndida fi mma nnyuñ ñwam mme mmɔ eken. Ti ete ke mfɔn-mma ima Abasi ebebin ndik efep, ke ntre kuyak ndik oduri fi afiak edem ɔkpɔñ ndiwɔrɔ nnam ñkpɔ mbuɔtidem.

Ñkemeke nditɔñɔ nditiñ nnɔ fi ibat ini emi ami ñkadade ke mben “obot mbuɔtidem” ke ata mben emi akanade nte ami nnam ñkpɔ eke anamde mi ndik, ndien etie nte Abasi ɔdɔhɔ ete, “Di naña, Joyce, etie didie ntem. Nyebe ke afo nnam mme ikpɔ ñkpɔ, di naña.” Ke ini ntem mma nsaña ke mbuɔtidem nnyuñ mfro nduk ke ata ufɔt esie, ndien akananam Abasi isanake mi iyak.

Nte ɔmɔfiɔk ntak emi ami mmeñkereke mbaña ndisaña nduk nnyuñ nnyene erikpu? Koro mfiɔkde nte ke Abasi ama mi. Enye ama mi, ndien ñko Enye ɔfiɔk ete ke ami mmama Imɔ, ndien oto ke mfɔn Esie, mmayak uwem mi nnɔ Enye. Edieke edide afo amanam oro, ndien afo ama Abasi onyuñ ɔfiɔk ete ke Enye ama fi, ɔwɔrɔ ete ke baba mfina kiet iduhe emi afo mmudukanke ke Christ.

Edieke udoñ fo ke ofuri akpanikɔ edide ndiñwam mbio efen, Abasi eyeñwam fi ndiñwam mmɔ. Afo unyeneke ndinyene ediwak ukeme; afo enyene ndiyak idem fo ofuri-ofuri nnɔ Abasi, ndien Enye eyenam kpukpru ñkpɔ eken. Afo emekeme ndikere ete ke mme enɔ fo edi ndisime, edi ke ndusuk ini, mme ñkpɔ emi minyeneke uku, enyene odudu ekan.

Kudu uwem ke ibuk ndibiat kpukpru odudu fo ndise ñkpọ mbaña idem fo ikpọñ, ndiyọ unana fo ikpọñ. Tiñ nọ Abasi se afo oyomde nyuñ yak ekikere fo wuk ke Enye mman ekeme ndinyene ifiọk mbaña nte Edisana Spirit edidade fi usuñ ndinwam mbon eñwen nnyuñ ndiọñ mmọ.

Se ededi emi afo anamde etibe ọnọ owo eñwen, Abasi eyenam etibe ọnọ fi ukem-ukem. Ke ini afo enyenede unana, kere baña ñkpasip, kukere ubaña unana. Emi ọwọrọ ete kpa nte anamde ñkpọ ọnọ mme mmọ eken, Abasi ọbọ enye nte ñkpasip emi ọtode mman ada idọk emi afo oyomde ke uwem fo edi.

Kpukpru owo eyom ndiforo, edi ana nte etim añaña nnyin se ata uforo edide. Mmama ndidọhọ nte ke uforo edi ukeme ndida ukeme Abasi nsobo ye unana emi adade nnyin ke iso. Ima Abasi eyenọ fi ukeme ndida unana mme owo efen nnim akpa. Nte afo emekere ete ke Abasi ama fi osim idaha emi Enye ọnọde fi ukeme ndisin mbon eken ke ima, idem ye mme mmọ oro minọhọ fi inemesit ndima: mmọ emi enamde esit ayat fi ye mme mmọ emi enanade esit-ekọm?

Edi mmem-mmem ñkpọ ndima mmọ emi emade fi. Edi ana nte nnyin ibeñe Abasi ndiñwam nnyin ndima mmọ emi mmidotke ndima. Ima eke Abasi emi ọfiọrọde ke nnyin eyenam emi koro ima Esie inyeneke isoñ ntak. Nnyin ikebọ ke mfọn, ana nte inọ ke mfọn. Ima ikpuhu, inyuñ isanake owo iyak. Ekeme ndida isua kiet. Ekeme ndidi isua ition. Ekeme ndidi isua edip ye ition, edi enyene ufọn. Edieke ọsọñde afo ndinyene ime nnyuñ mma owo emi ọsọñde ndima, ti mme ini emi Abasi akakade iso ndima fi ke ini emi Enye ekebetde fi mman ayak Enye okpuhọre fi.

Akpa Ñwed Corinth 13 etiñ ọnọ nnyin ete ke ima enyenyene anyan ime, onyuñ ọfọn ido, inyuñ ikohokere idem. Enye iyomke ufọn esiemọ, inamke inua, isọpke iyaresit. Mme edu emi ke Jesus

akañwaña ọduọk nnyin oto ke ima Esie, ndien nnyin imekeme ndinam emi ọyọhọ-ọyọhọ nno mme mmọ emi mikopke inem uwem, enyuñ etakkde, enyuñ ekopde bioñ udọñ ima Abasi ke uwem mmọ.

Abasi ama fi onyuñ ama kpukpru owo emi ekande fi ekuk ñko. Enye ama mmọ, mme ebọ edinyaña mme ibọhọ, ndien Enye oyom ndida fi nte usuñ ndiñwaña ima Esie.

Kukop ndik ndiwọrọ nda. Ima Abasi ke anam fi ọwọrọ ufin ke ndik ye ubiom-ikpe, ndien Enye ọnọ fi ukeme ndima. Nam ñkpe-mbiere ndibuana ima Abasi ye mbon eñwen. Afo emekeme nditọñọ ke ndinam ufan ye mme owo. Nam nte mbubehe fo nditie ufan-ufan nnyuñ ndi eridiọñ nno mme owo ke kpukpru ebiet emi afo odude.

Ntat-ubọk ye ntat-ido edi usuñ kiet emi ikemedede ndiwut ima, akpan-akpan ye mbon emi edide ikpọñ ye mbon akpade mba. Kot mme owo edi ufọk edidia udia. Nam mme owo edise fi. Kọm mme owo ubọk nyuñ sak imam. Fat owo nyuñ dọñ mmọ esit nyuñ tiñ ikọ ndọñesit. Nọ uñwam, nte ndimen owo ñkayak ke itie utom ke ini ubom-isọñ esie mifonke. Sik kpere obufa owo utom oro nyuñ se mme afo emekeme ndiñwam enye ọdiọñọ obufa obio emi. Abasi enyene ñkpọ ọnọ fi ndinam. Ekeme ndidi ñkpọ emi mikponke inyuñ idighe akpan ñkpọ inọ fi, edi edi akpan ñkpọ ọnọ Enye. Mme owo edi akpan enọ Abasi!

Odu mme owo emi edide afo ikpọñ enyene ndisim mmọ. Bup Abasi ndiwut fi mme usuñ nte afo ekemedede ndisim mmọ ye ima Esie, ndien Enye eyekpep fi.

7



IMA ABASI EYEKPUHỌRE FI

Ima odu ke oruk usuñ emi, itoho ke emi nnyin ikemade Abasi, edi oto ke emi Abasi akamade nnyin, onyuñ osiode Eyen Esie ọdọñ, ete, edidi usio isop mme idiok-ñkpọ nnyin.

Abasi ama nnyin edi ñkerekere nte ke otim añwaña ediwak nnyin nte ima emi okponde mme nte Enye amade nnyin. Abasi owut mi, etiene nte ñkpepde ñkpọ mbaña ibuot ikọ emi, ete edieke nnyin ikpọfiokde, ke ata ntọtuño, nte ima Esie ọsọñde urua, nnyin ikpanam mme ñkpọ nte ọfọnde akan nte nnyin inamde ke ediwak ini.

Kere baña ima emi Abasi enyenede ọnọ fi. Se idikpuhọrede fi edi oro. Edieke enyenede ñkpọ afo mumaha ubaña idem fo, ke afo nditim mfiok nnyuñ nnim ke akpanikọ ete ke Abasi ama fi adaña nte afo etiede ebet Enye ndinam utom ke idem fo eyeñwam fi ndikop inem ke usuñ fo. Edieke afo osuk etiede abiat ini ke ndikere mbaña mme ndudue fo, afo udukemeke ndikpuhọrede. Ti ete ke Abasi ebe ke mbuotidem anam utom, ndien ata mbuotidem esin nnyin ibe iduk ke nduok-odudu Abasi (se ke Ñwed Hebrew 4).

Etie nte odu mme owo emi minyeneke eti ebuana ye idem mmọ. Mmọ imaha idem mmọ enyuñ ekeme ndisua idem

mmọ. Edieke afo osuk añwanade abaña nte afo okutde idem fo, amimmoyom nditi fi nte ke afo emekeme ndisua mme ndiọi ñkpọ emi afo anamde, edi kusua idem fo baba kiet. Jesus akakpa ọnọ fi oto akwa ima emi Enye enyenede ọnọ fi, ndien Enye oyom fi ọbọ nsọñ-urua enọ emi enyene.

Ñwed Abasi ọdọhọ ete, “Koro enye etiede kpa nte enye ekerede ke esit esie” (Mme Ñke 23:7). Edieke afo ekerede ete imọ idọdiọk kpukpru ini, esinde idem fo onyui etre ndikut ete ke imọ idi saña-saña owo, afo udunyeneke emem ye idaresit Abasi, ndien ido ye mme edinam fo eyesio owut. Kpukpru emi edi koro odudu ye akpanikọ emi ọkpuhọrede uwem ke Abasi ndima fi ñkan nte afo ọfiokde, itimke iñwaña fi ke ọwoñ esit fo.

Abasi oyom fi abiat ini ye Enye k’usen, k’usen. Se idikpuhọrede fi edi oro. Edieke afo mumenke Abasi unim akpa, afo onim Enye ke idaha emi Enye midikemeke ndinam se Enye oyomde ndinam nnọ fi. Edi ndibe ini emi afo abiatde ye Abasi, ndima Enye nnyui nyak Enye ama fi, edinam fi enyene odudu, okop uko, onyui ọkọri.

Ediwak owo enọ mme ikọ mfaña inyui idaha ini ndibọp akwa ebuana ye Abasi. Mmọ eyom ndinyene eti ebuana ye Enye, edi mmọ ifarake idem mmọ inyui ikọri mme nti edu nte ndikpep nnyui nduñode Ikọ Abasi nnyui mboñ akam. Edieke enyenede utọ mfina emi, boñ akam nyui beñe Abasi añwam fi ndikọri ido ndibiat ini ye Enye kpukpru usen. Emi edi mfọn- ñkan ñkpọ emi nnyin inyenede ndinam!

Ima Abasi eyekpuhọre fi. Nte afo enyenede ifiok abaña ima Esie k’usen, k’usen, afo eyekut nte mme udoñ fo ekpuhọrede. Afo eyeyom nditie nte Jesus, Enye emi amade fi. Ndifiok nnyui nsiaha ido Abasi ke uwem nnyin ekpenyene ndidi akpan ñkpọ ke uwem nnyin. Paul ọkọdọhọ ete ke ñkpe-mbiere uduak imọ edi ndidioño

Christ ye odudu eriset ke mkpa Esie (se ke Ñwed Philippi 3:10). Mbok nte afo omokut ete ke Paul okodohọ ete ke ana nte imọ ikpe-ibiere.

Mmoyom ndisin fi uko ke idem nte yak afo ada ebuana fo ye Abasi nte akpan ñkpọ. Afo emekeme ndikpere Abasi nte afo oyomde ndikpere Enye; okoño ke ini emi afo oyomde ndisin ke esit.

Ñwed Abasi odohọ ete ke nnyin idi saña-saña isuñ-utom inọ Abasi, ndien ke Enye ebe ke nnyin anam ñkpe-ubok ọọ ererimbot (se ke Ñwed Corinth 5:10). Ikọ Abasi emi awak ndituk esit mi onyuñ anam nnyene obufa ifiok mbaña akpan ntak emi ofonde nnyin itiene Edisana Spirit Abasi nte Enye anamde utom ke nnyin, ndikpuhọre nnyin nnyuñ nda nnyin nsin ke uduak Abasi. Edisana Spirit añaña Ima Abasi esin ke esit nnyin (se ke Ñwed Rome 5:5). Bọ enye nyene, yak ọọ fi inemesit, nyuñ yak enye okpuhọre fi!

NYENE IFIỌK BAÑA OBUFA UWEM



Edieke akananam afo ukotke Jesus ete edi Oboñ ye Andinyana fo, mokot fi nte yak anam oro idahaemi. Boñ akam emi ke ana-iñwañ ye esit akpanikọ nyuñ toño ndinyene ifiọk mbaña obufa uwem emi Abasi enyenede ọno fi.

Abasi Ete, ami monim nte Jesus Christ edi Eyen Fo, Andinyaña ofuri ererimbot. Monim ke Enye akakpa ke cross ọno mi, ndien Enye obiom ofuri idiọk-ñkpa mi. Ekenam Enye eset ke ñkpa ndien ke ndinam emi, enye akan ñkpa ye udi. Monim ke Jesus mmọdo ke uwem k’emi onyuñ etie ke ubọk nnasia Fo. Moyom Fi Jesus.

Fen mme idiọk-ņkpa mi, duk diduñ ke ami. Moyom ndimana obufa. Moyom ndidu uwem nnọ Fi. Sọsọño ke ndinyaña mi nnyuñ ñwam mi ndidu obufa uwem nnọ Fi.

K’emi nim ke akpanikọ ete ke Jesus oduñ ke esit fo. Nim ke akpanikọ ete ke efen mme idiọk-ñkpa fo, enyuñ enam fi enen oto ke iyip Jesus, ndien afo eyeka heaven ke akpatre usen.

Yom eti Ufọk Abasi eke ekpepde Ikọ Abasi emi ediñwamde fi ndikọri ke ebuana fo ye Christ. Nnyin inyene edikpuhọre oto ke odudu emi ima Abasi ye Ikọ Esie anamde utom ke uwem nnyin, ke ntre edi ata akpan ñkpa nnyin ndifiọk akpanikọ ke Ikọ Abasi. John 8:31-32 ọdọhọ ete, “Edieke mbufo esọñode eda ke Ikọ Mi, mbufo edi mbet Mi ke akpanikọ; ndien mbufo eyefiọk akpanikọ, akpanikọ eyenyuñ anam mbufo ewọro ufin” (NKJV).

Mbọk wet nyuñ nam mi mfiọk nte ke afọ emenyime Jesus, nyuñ bup ndibọ ke mfọn ñwed ndiñwam fi ndidu obufa uwem ke Christ.

Ye ima,

Joyce

AKAM ERINYAÑA UKPOŃ



Abasi ama fi onyuñ oyom ndinyene saña-saña ebuana ye afo. Edieke afo munyimeke Jesus Christ nte Andinyaña fo, afo emekeme ndinam oro idahaemi. Kam berede esit fo ño Enye nyuñ boñ akam emi...

“Ete, ami mmoñiok nte ke mmanam idiok-ñkpo emi minemke Fi esit. Mbok dahade ño mi. Yet mi nsana. Mmoñwoñño ndiberedem ke Jesus, Eyen Fo. Mmenim ke akpanikọ nte ke Enye akakpa oño mi – Enye akada idiok-ñkpo mi obiom ke Idem Esie ke ini Enye akpade ke cross. Mmenim ke akpanikọ nte ke ema enam Enye eset ke ñkpa. Mmasana uwem mi nyak nño Jesus idahaemi.

Sosoño, Ete, ke eno edidahado nño ye nsinsi uwem. Mbok ñwam mi ndidu uwem nño Fi, ke Enyiñ Jesus, Amen.”

Kpa nte oboñde akam oto ke owoñ-esit fo, Abasi emenyime fi, eyet fi asana, onyuñ anam fi owoño ufin ke ñkpoñobi ñkpa ke spirit. Da ini ndikot nnyuñ ñkpep mme itie Ñwed Abasi emi nyuñ beñe Abasi nditiñ iko ye afo nte afo asañade ye Enye ebe ke isañ emi ke obufa uwem fo.

John 3:16

Ephesus 1:4

1 John 1:9

1 John 5:1

1 Corinth 15:3-4

Ephesus 2:8-9

1 John 4:14-15

1 John 5:12-13

Boñ akam nyuñ beñe Enye añwam fi ndikut eti Ufoñ Abasi emi enimde Bible ke akpanikọ man afo ekeme ndinyene uñwam ndikori ke ebuana fo ye Christ. Abasi odu ye afo. Enye eyeda fi usuñ ke usen ke usen onyuñ owut nte edidude nwak-nkan uwem emi enye enyenede oño fi!

SE IBAÑADE ANDIWET



JOYCE MEYER edi kiet ke otu mme ada-iso ke mme mmọ emi ekpepde Ikọ Abasi ke akpanikọ. Enye edi andiwet ñwed emi ọfonde akan nte *New York Times* emende owut. Mme ñwed esie eñwam ekese owo ndikut idorenyin ndinyuñ nda itie mmọ ke Christ. Ke *Joyce Meyer Ministries* enye ekpep mme ibuot ikọ emi ebañade ekikere, inua, nte esit etiede, ye mme edu. Usuñ nte enye ekemede nditiñ ikọ añwam enye ndida ifiọk emi enye enyenede ñwut mmọ eken mman mmọ ebọ ifiọk eñwam uwem mmọ. Joyce ewet ñkpọ nte ñwed ikie (100), emi ekabarede esin ke mme usem ikie (100). Enye esinim ñkpọ nte mme ikpọ mbono duopeba kpukpru isua, ndikpep mme owo nte edude uwem ke inem kpukpru usen. Ke ñkpọ nte isua edip ye duop emi ebede, mme mbono isua emi enye otimde esinyene ibat iban emi osimde tọsin ikie iba (200,000) emi etode ofuri ekondo. Ima Joyce ndiñwam mme mmọ emi enyenede mfina akada Hands of Hope edi, ñkọk utom *Joyce Meyer Ministries*, emi añwamde mme utom usuan etop efen ke ofuri ekondo, ọkọrọ ye obio esie ke St. Louis.